

永豐鄉人葉

永豐鄉人甲
稿一卷乙稿
二卷丙稿四
卷丁稿一卷

貽安堂刊

雲窗漫稿目錄

古人之文以載道以明藝無苟作者三十年來篤守此義未敢濫有造述此雜文三十首成於海外者十八九舊作十一二而已偶檢行篋得之以付寫官非謂有當於載道明藝之旨以示後人庶知吾之平生志意云爾庚申六月二十七日永豐鄉人記

釋叔

釋爰

釋籥

明職方郎中吳公傳

萬年少先生傳

辛亥殉國南陽鎮總兵謝公傳

何宜人家傳

端忠敏公死事狀

路府君墓誌銘

邱君墓誌銘

蔣君墓誌銘

周韓太尉墓表陰側記

窻齋集古錄序

台州金石錄序

夢庵藏印序

全謝山先生吳職方傳書後

唐館本金剛經跋

立悟老人書心經跋

張孟公先生手校世說新語跋

金蘭坡先生尙友圖小象卷跋

楊和甫先生墨迹跋

墨華通考鈔本跋

匋齋吉金錄續錄跋

古玉刀墨本跋

古玉墨本跋

澄清堂帖跋

甲秀堂帖跋

與林浩卿博士論卜辭王賓書

與王靜安徵君論卜辭上甲書

與友人論古器物學書

目錄

雲窗漫稿

永豐鄉人藁甲

上虞 羅振玉

釋叔

伯叔之叔古文作𠂔吳中丞曰象人執弓矢形男子生
桑弧蓬矢六以射天地四方故叔爲男子美稱予以爲
中丞說似矣而未盡當也叔從𠂔象弓形猶射之古文
从𠂔也𠂔象矰帶繳矰爲短矢故但以𠂔象之其下屈
曲者繳也此殆爲弋射之弋之本字許書之雉從佳弋
聲則後起之字不如叔之合弓與矰繳之形視而可識
察而見意也至經典借弋爲雉於是後起之雉亦廢不
用而叔之本意弋之初字益塵霾不可知矣殷虛卜辭
又有聿字見殷虛書契卷七第二十一葉其字象矢帶繳又有𠂔殷虛書契
卷六第三十二葉𠂔卷七第三十一葉𠂔第一葉字其字从𠂔从𠂔又雉
兔之雉卜辭亦从𠂔或从𠂔或从𠂔均見殷虛書契考釋皆象矢

帶繳之形與𦏧殆是一字或从二矢或从一矢其意一也此當爲矰之本字廣雅釋器矰第箭也第周官作第司弓矢矰矢第矢用諸弋射第第殆由𦏧之譌變古文矢形或象下向或象上向𦏧之从𠂔與𠂔之从𠂔一也至繳之形亦或左或右作𠂔作𠂔均無殊異知𦏧必有時作𦏧者於是隸變而成第又由第而成第矣卜辭又有𦏧字書契後編卷下第二十六葉象以二繳聯一矢一矢不須二繳但取象繳形二之與一無殊猶𠂔之或从一矢或二矢矣此疑卽繳之古文至古匋器有𦏧字从系从叔蓋亦繳字吳中丞釋爲綈殆不然矣弋射之事古人雖記述頗多而無圖以明之至其文字亦屢經遷變紛亂而不可復明茲姑據字形以正弋矰繳三字之初形世有好學深思之士幸爲證明之

釋爰

商人卜辭者有𠄎字

殷虛書契後編下第三十葉

初不可識列之待

問編近徵之許書知爲𠄎之本字也說文解字𠄎注大孔壁人君上除陛以相引段注未聞桂氏曰大孔壁者孔大能容手又曰漢書五行志宮門銅𠄎亦取孔大容手以便開閉而於人君上階除以𠄎相引之說亦無徵證蓋古義之僅存於許書中者也𠄎爲大孔壁可容兩人手人君上除陛防傾跌失容故君持𠄎臣亦執𠄎在前以牽引之必以𠄎者臣賤不敢以手親君也於文从𠄎象臣手在前𠄎象君手在後一者象𠄎之形𠄎形圓今作一者正視之爲○側視之則成一矣𠄎以引君上除陛故許君於𠄎援均訓引荀子性惡篇注訓援爲牽引禮記中庸注訓援爲牽持之並與許書𠄎注義同知古𠄎援𠄎爲一字後人加玉加手以示別其於初形初義反晦矣古罰𠄎之𠄎古人亦作𠄎梁尙幣作𠄎作𠄎

毛公鼎作𠄎變一爲一形又失矣吳縣潘氏滂喜齋藏一卣其文曰𠄎與卜辭正同蓋亦瑗字張文襄公之洞釋爲引而申之之申吳中丞大徵從其說采入說文古籀補蓋未爲得也爲埏正之於此

釋簫

予藏漢雍庫簫一其器已不完有銘文十二言曰雍庫簫一重二斤一兩名百一其制空中而環節相銜結如鰕之蛻可屈伸屈之長建初尺七寸五分申之得八寸七分聯以鍵長六寸五分銘文在鍵上以銅爲之使無銘文不能知其爲簫也考月令脩鍵閉慎管簫鄭注鍵牡閉牝也管簫搏鍵器也其釋鍵閉與管簫甚分明而他家所說往往混亂不別說文解字闢關下牡也方言戶鑰自關而東陳楚間謂之鍵自關而西謂之鑰小爾雅廣服鍵謂之簫均以鍵釋簫月令正義引何允曰鍵

爲門扉之後附兩木穿上端爲孔閉者謂將扃關門以
內孔中釋鍵與閉之義又互誤正義謂凡鑰器入者謂
之牡受者謂之牝若禽獸牡牝然釋鄭義最確足正何
氏之失而鍵閉與管籥之別則尙無能明之者予意鍵
閉施之門內管籥則施之門外古者門內之守於門扉
施閉其制於兩扉各樹小木而橫鑿穿以受鍵故謂之
牝鍵者爲木扃以橫貫二木之穿中故謂之牡試觀門
關之關其文作關从門以象閉从一以象鍵今隸或从
閉以一象鍵於形尤確予嘗謂古文往往其从者當
存于今隸及別字中關之从門亦其一也其从者古文
作象以索系扃卽所謂銀鐺鎖矣其門外之守則以
管籥其稱管籥者樂器之籥空中持戶之籥亦空中故
以爲名卽如鰕蛻之環節狀者是也蓋以聯繫於鍵如
扃之聯以銀鐺鎖然以籥持鍵合籥與鍵而器乃全月
令稱管籥方言與小爾雅釋籥以鍵皆舉器之偏則或

壽

11

公諱祖錫字佩遠江蘇吳江人吏部文選郎昌時子而爲世父貴州按察使昌期後自按察始居嘉興公遂入嘉興學爲諸生崇禎十五年充副貢少而才氣軼羣喜結納天下豪俊能急人之急揮千金無所吝時中原大亂料京師必危思預儲勤王之旅欲身任浙西以浙東屬之許都然約未定而父吏部之禍作吏部有聲東林與復社又首輔周延儒門生也官吏部要地首輔倚如左右手持銓事頗任喜怒遂爲祁公彪佳所糾適延儒勢敗吏部亦論死資產入官會許都復以亂誅忌吏部者欲並陷公以徐尙書石麒力持得免公痛心家禍廟社又旋屋思有以大雪之比南都建甫匝歲而覆亡吏部資產四萬金尙在嘉興庫公與客謀出之欲以紓難時故鎮臣陳洪範隨王師下江南方用事公與有舊洪範窺知公意矢天日自言其降出於不得已而以奇策

語公公立出四萬金畀之已而雍髮令下公遽委之去
改名鉏字稽田從陳公子龍徐公孚遠謀恢復陳公令
偵事杭州爲仇家縛送江寧巡撫土國寶羈係獄中及
陳公殉國徐公浮海遯國寶乃髡公髮而縱之魯藩授
公職方郎中永明王亦官之如魯藩而公則往來吳越
間如故順治戊子嘉興副將馮源淮駐軍嘉興公與結
納冀有所爲馮部將董某司詞察馮耳目也公亦故與
厚善比徐公孚遠完髮歸自海外有所謀公密館之事
稍聞於馮馮遣董詣公公遽前握其手曰徐公在此若
欲見之乎董驚曰徐公果在此者顧肯令我見耶公卽
引見闇公董叩頭泣下道其嚮慕矢不相負因以譌言
報馮而陰遣戈船衛徐公浮海去公之盛德感孚於人
如此順治己亥海師入江公實導之且連歲在金陵隱
爲之助乃復遭刊章辛丑事解志不稍挫將詣滇南而

先之鄖陽時鄖陽十三營尙保殘寨公勸出師撓楚以
救滇顧十三營已疲敝不能用其策也桂王旣入緬甸
公思追從道阻不得達癸丑八月復返吳游中州更由
秦入楚卒無所遇己未客膠州大竹山鬱鬱靡所騁會
懷宗忌日公慟哭歐血死遺命藁葬山中久之乃得歸
葬公卒年六十有二距明亡旣三十有五年矣公旣沒
徐高士枋爲之傳其言曰自吳子歿而天下絕援溺之
望然則公一日不死補天填海之志一日不輟可知也
公自遭遇家國之變出入萬死逐虞淵之墜日以終其
身事雖不成天下聞而壯之巢先生鳴盛宋先生之盛
徐先生枋並嚴介少推許而於公皆折服無異辭嗚呼
此可以觀公矣公娶徐文靖公汧女公毀家紓難徐亦
弛裝服以佐之九死流離而不悔先公二十年卒子準
獲復濟灝瀨字商志一字于東尤知名至性過人方公

避難出亡名捕亟獲挺身當之卒成父志公之在金陵也寓迹至奇獲偵知之冒險往省其舅氏徐高士爲作孤楫沂江圖並爲詩褒焉亦以遺民終其身箸先友詩一卷

野氏史曰方公之嬰世網也勢岌岌殆甚聞者骨駭魂悸掃影匿迹獨嘉興處士徐維字四之者奮然以一身周旋其間先生旣遠去尙遺諸子覆巢取卵禍且不測處士復奔走捍御以完其家室攜持竄匿以全之經營補苴以軫之且爲謀讀書以無廢其學業先後十餘年瀕死者數於是公諸子乃得成立其壯節俠行亦公匹矣顧其事實載徐高士集中而世罕知者予特附箸公傳之後以彰潛德俾後來言史事者有所稽焉

萬年少先生傳

先生諱壽祺字介若一字內景世所稱年少先生者也

其先世籍江西之南昌曾祖以醫術由湖廣來徐州遂
家焉父崇德明萬厯甲辰楊守勤榜進士天啟末官福
建道監察御史以魏忠賢用事託疾出爲山東按察副
使先生少負奇氣年十五誦二十餘萬言旣入學爲諸
生聲名籍甚復移家吳中與張公溥楊公廷樞徐公汧
姜公垓陳公子龍夏公允彝羅公萬藻等交善以文章
風誼相切磨崇禎庚午姜公日廣主南京鄉試得人最
盛解首爲楊公廷樞張公溥膺高魁先生與陳公子龍
盛公王贊顧公繩詒鄭公敷教陸公坦皆同榜後皆以
死節高蹈名當世甲申三月京師陷五月而南都建明
年南都破江以南義師雲起沈自炳戴之雋錢邦芭起
陳湖黃家瑞陳子龍起泖吳易起笠澤皆與先生會師
謀恢復八月兵潰被執不屈將及難有陰救之者囚繫
月餘得脫乃攜孥渡江隱於山陽之浦西築廬曰隰西